



ORSZÁGGYŰLÉS

**BUDIMPEŠTANSKA IZJAVA O PROŠIRENJU EU  
Parlamentarnih delegacija zemalja Jugoistočne Evrope i  
Višegradske grupe**

*(Budimpešta, 4. novembar 2019)*

*Predsjednici parlamenta zemalja jugoistočne Evrope i Višegradske grupe pojačavaju svoju podršku proširenju Evropske unije. Posebno skreću pažnju šefova država članica na činjenicu da je ključ uspjeha i prosperiteta EU jasno opredjeljenje sadržano u članku 49. Ugovora o Evropskoj uniji koji kaže da se sve evropske države mogu pridružiti EU pod uslovom da dijele iste vrijednosti.*

*Politika proširenja bila je jedna od najuspješnijih politika EU. EU treba da ostane otvorena prema onim zemljama koje dijele zajedničke vrijednosti koje su u osnovi EU i spremne su da se prilagode njenim standardima. Stoga se mora ojačati ova politika, koja se nažalost usporila nakon posljednjeg sastanka Evropskog savjeta.*

*Pristupanje država jugoistočne Evrope EU, ne samo da ima utjecaja na sigurnost, stabilnost i prosperitet samog regiona već i na cijeli kontinenta.*

*Predsjednici smatraju da je istorijska greška što se na posljednjem sastanku Evropskog savjeta nije mogla donijeti odluka o početku pregovora o pristupanju sa dvije zemlje kandidata koje su ispunile tražene uslove. Predsjednici pozivaju političke lidere država članica EU da učine sve što mogu kako bi što prije donijeli odluku o početku pregovora o pristupanju s Albanijom i Sjevernom Makedonijom.*

*Predsjednici se zalažu za pristup pružanju mogućnosti svakoj državi regije da napreduje, na osnovu vlastitih zasluga, s krajnjim ciljem da postane članica Evropske unije. Također, naglašavaju potrebu da proces pristupanja bude dinamičniji sa zemljama koje su u fazi pregovaranja.*

*Predsjednici izražavaju nadu da će zajednički naponi država članica EU, institucija EU i zemalja kandidata dovesti do proširenja Unije u narednom godinama.*

*Predsjednici parlamenata Jugoistočne Evrope izražavaju svoju zahvalnost predsjednicima parlamenata Višegradskih zemalja za njihovu snažnu posvećenost, podršku i lobiranje s ciljem ubrzavanja otvaranja pregovora o pristupanju sa Albanijom i Sjevernom Makedonijom.*

*Predsjednici pozivaju predsjednika Narodne skupštine Mađarske da ovu Izjavu proslijedi predsjedniku Evropskog vijeća, predsjedništvu Vijeća EU, predsjednicima Evropskog parlamenta i Evropske komisije, kao i svim predsjednicima nacionalnih parlamenata država članica Evropske unije.*